



1. DATOS DA ACTIVIDADE

NOME: Curso para obtención do diploma de directivos da Xunta de Galicia

GRUPO: Servizo de Estudos, Investigación e Publicacións

ÁREA: Históricos EGAP

CUALIFICACIÓN:	ASISTENCIA	PLAN:	F. FINALISTAS	HORAS:	150
ADMINISTRACIÓN:	AUTONÓMICA	ESTADO:	CONVOCADO	ANO:	2006
MOD.IMPARTICIÓN:	PRESENCIAL + TELEFORMACIÓN	TIPOLOXÍA:	XERAL	EDICIÓNS:	1

2. DESCRICIÓNS

DESCRICIÓN CURSO

1. Introducir os empregados públicos con responsabilidades directivas e semidirectivas nas técnicas de xestión e habilidades directivas necesarias para liderar equipos de traballo de alta dirección pública, desenvolvendo as competencias directivas e semidirectivas innovadoras (análise, interpretación, participación, proxecto, grupo de traballo e marketing interno), e aprendendo a desenvolver equipos de traballo integrados e cooperativos.
2. Facilitar espazos de aprendizaxe e de intercambio global de experiencias entre os participantes no curso, e entre estes e outros grupos directivos da Administración autonómica e da Administración xeral do Estado cos que colaboren en proxectos intergubernamentais.
3. Resolver problemas estratéxicos de cada participante, enfocando a aprendizaxe cara á innovación organizativa e a gobernanación multinivel na que están inseridas as diferentes organizacións públicas que compoñen a Xunta de Galicia.
4. Procurar unha cultura mixta de acción pública, isto é, de comprensión entre as diferentes administracións públicas (autonómica, local e universitaria) así como coas iniciativas da sociedade civil que comparten actitudes privadas e públicas.

DESTINATARIOS

b) Ser funcionario de carreira ou persoal estatutario fixo do Servizo Galego de Saúde dos grupos A ou B, en situación de servizo activo ou servizos especiais en calquera das administracións públicas existentes en Galicia.

c) Ter prestado un mínimo de tres anos de servizos na Administración pública ou cinco no caso dos diplomados.

Dous terzos do total das prazas convocadas (17 prazas) quedarán reservadas para o persoal da Administración autonómica que estea comprendido no ámbito de aplicación da Lei 4/1988, do 26 de maio, así como para o persoal comprendido no ámbito de aplicación da Lei 17/1989, do 23 de outubro, que estea ocupando postos de traballo de xestión sanitaria que non teñan carácter asistencial.

Ás prazas do terzo restante (8 prazas) poderá optar o seguinte persoal:

-O restante persoal comprendido no ámbito de aplicación da Lei 17/1989, do 23 de outubro.

-O persoal estatutario fixo do Servizo Galego de Saúde.

-O persoal docente ao servizo da Comunidade Autónoma de Galicia.

-O persoal funcionario de calquera outra das restantes administracións públicas existentes en Galicia.

PROGRAMA

Contido básico: dirección innovadora; análise e avaliación de políticas públicas; dirección e xestión pública. Xestión de proxectos en organizacións públicas; dirección e planificación estratéxica pública; marketing en entidades públicas; a xestión pública e a calidade nas organizacións públicas; os sistemas de información na Administración pública.

CRITERIOS DE SELECCIÓN

A selección dos aspirantes efectuaráa unha comisión designada para este efecto, de conformidade co previsto no artigo 6 do Decreto 294/1992, do 10 de setembro, e constará de dúas fases:

1ª fase: valoración de méritos.

A puntuación máxima desta fase será de 7 puntos e aplicaráse o seguinte baremo:

A. Por experiencia en posto que requirise o diploma de directivo segundo a relación de postos de traballo: 2,5 puntos.

As fraccións de ano traballado nun posto poderanse acumular ao tempo traballado noutro posto. As datas de referencia, para os efectos do cómputo do tempo, serán as que figuran na dilixencia de toma de posesión e cesamento. Esta experiencia deberá ser certificada polo responsable do servizo de persoal do que dependa o solicitante, segundo o modelo oficial que se xunta.

B. Por experiencia en posto directivo no ámbito da empresa privada: 1,5 puntos.

A dita experiencia acreditarase mediante a presentación de copia compulsada do contrato laboral subscrito ou certificación do acordo de nomeamento expedido polo órgano competente segundo os seus estatutos, no caso de tratarse de sociedades.

C. Pola posesión de cursos específicos para directivos impartidos por escolas ou institutos de Administración pública, nacionais ou estranxeiros, ou por entes privados: 0,50 puntos.

a) Por cursos de 80 a 150 horas: 0,25 puntos.

b) Por cursos de máis de 150 horas: 0,50 puntos.

Estes cursos deberán versar sobre algunha materia relacionada co contido do curso obxecto desta convocatoria.

Non se considerarán os cursos de xefe de sección convocados pola EGAP.

D. Pola posesión do título de doutor: 0,50 puntos.

E. Por publicacións de monografías ou artigos sobre temas relacionados coa Administración pública: 1 punto.

a) Por cada monografía: 0,50 puntos.

b) Por cada artigo: 0,20 puntos.

Só se valorarán as monografías ou artigos aparecidos en publicacións con ISBN ou ISSN que estean debidamente acreditados.

F. Por coñecementos do idioma galego e de idiomas comunitarios debidamente acreditados: 1 punto.

F.1) Galego:

-Por certificado de perfeccionamento ou superior: 0,50 puntos.

-Por certificado de iniciación: 0,25 puntos.

A valoración do certificado de perfeccionamento exclúe a do de iniciación.

F.2) Idiomas comunitarios:

-Por certificado de aptitude de nivel avanzado dunha lingua comunitaria: 0,50 puntos.

-Por certificado de aptitude de nivel medio dunha lingua comunitaria: 0,30 puntos.

A valoración do certificado de aptitude de nivel avanzado dunha lingua exclúe a do de nivel medio da mesma lingua.
2ª fase: a entrevista.

A puntuación máxima será de 3 puntos. A comisión valorará as condicións intelectuais, calidades humanas e profesionais e a capacidade de liderado e motivación dos aspirantes.

3. DATOS EDICIÓN

DI06DX1001SA

LOCALIDADE: SANTIAGO DE COMPOSTELA

INICIO / FIN: 07/09/2006 a 30/11/2006

NUM. PRAZAS: 25

ESTADO: NORMAL - (DIPLOMAS EM.)

DATA EXAME:

DOCENTES NOMEADOS

NON HAI INFORMACIÓN DISPOÑIBLE